

2. Dodatnu dokumentaciju:

- a) uvjerenje/potvrdu o radnom stažu i uvjerenje sa tačno navedenom šifrom zanimanja koje izdaje Fond za penzijsko-invalidsko osiguranje,
- b) potvrda o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao,
- c) uvjerenje o položenom stručnom ispitu,
- d) potvrdu o vremenu provedenom na evidenciji Službe za zapošljavanje Kantona Sarajevo (koje nije starije od 3 mjeseca od dana objavljivanja konkursa),
- e) rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- f) rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i stjecanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- g) rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog borca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno - oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od 6 mjeseci),
- h) osobe koje imaju status po osnovu dopunskih prava boraca - branitelja BiH obavezne su pored rješenja/uvjerenja nadležnog kantonalnog/općinskog organa o priznanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od 6 mjeseci),
- i) potvrdu o autorstvu/koautorstvu udžbenika koju izdaje Federalno ministarstvo obrazovanja i nauke koju izdaje Federalno ministarstvo obrazovanja i nauke na osnovu člana 169-170. Zakona o upravnom postupku FBiH (2/98 i 48/99).

Prijava kandidata koji nije dostavio dodatnu dokumentaciju smatrat će se urednom, a prijavljeni kandidati će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu na konkurs mogu biti kopije uz obavezu kandidata, koji bude primljen po konkursu, da dostavi originalnu dokumentaciju ili ovjerene kopije dokumentacije najkasnije 5 (pet) dana po dobijanju Odluke o izboru.

Nepotpune i neblagovremene prijave neće se uzeti u razmatranje.

Prijave sa dokazima o ispunjavanju uslova iz konkursa u zatvorenoj koverti sa naznakom „Prijava za konkurs“ potrebno je dostaviti lično na protokol Škole ili putem pošte na adresu: **JU OŠ Musa Ćazim Ćatić“ Sarajevo, ul. Ćekaluša 53.**

Javni konkurs ostaje otvoren 8 (osam) radnih dana od dana objavljivanja.

Javni konkurs objavljen je u dnevnom listu "Oslobođenje" dana 04.08.2018. godine, a krajnji rok za podnošenje prijave je 15.08.2018. godine.

Napomena: Dokumentacija prijavljenih kandidata, koji nisu izabrani po ovom konkursu, vraća se isključivo na lični zahtjev putem protokola škole, u roku od 30 dana od okončanja konkursne procedure.